



Austurvegur 65 - 800 Selfoss

Sími 480 8250 – Veffang www.hsl.is – Netfang hsl@hsl.is – Kennitala 480284-0549

Umhverfis- og auðlindaráðuneyti
Skuggasund 1
150 Reykjavík

Selfossi, 21. febrúar 2019
1902064HS SG

Efni: Frumvarp til laga um breytingu á efnalögum nr. 61/2013 - umsögn Heilbrigðiseftirlits Suðurlands mál nr. S-44/2019

Heilbrigðiseftirlit Suðurlands hefur fengið til umsagnar frumvarp til breytinga á efnalögum nr. 61/2013 sbr. mál nr. S-44/2019 með birtingu í Samráðsgátt 8. febrúar sl. með fresti til umsagna til 22. febrúar 2019.

Almennt um frumvarpið:

Í greinargerð kemur fram að skýra þurfi hlutverk heilbrigðisnefnda skv. lögnum. Heilbrigðiseftirlit Suðurlands tekur undir þá skoðun að skýra þurfi hlutverk heilbrigðisnefnda í efnalögum en embættið telur að skýra þurfi það hlutverk enn betur en gert er í frumvarpinu og að þvingunarúrræði verði heimil af hálfu heilbrigðisnefnda sveitarfélaga í þeim fyrirtækjum sem eru undir þeirra eftirliti. Heilbrigðiseftirlit Suðurlands tekur undir að betur þarf að halda utan um efnavörueftirlit en verið hefur. Nauðsynlegt er að gefnar verði út leiðbeiningar um með hvaða hætti er ætlast til að tiltekið eftirlit sé framkvæmt og einnig verði leiðbeint um hvaða-, hvernig- og hve ítarlegar upplýsingar heilbrigðisnefndum beri að senda til Umhverfisstofnunar skv. 6. gr. laganna.

Um einstaka greinar:

Í 3. gr. frumvarps þessa kemur fram, að heilbrigðisnefndir sveitarfélaganna muni halda áfram að: „hafa eftirliti með meðferð, merkingum efna og efnablanda og öðrum þáttum sem falla undir lög þessi í starfsleyfis skyldri og skráningarskyldri starfsemi sem heyrir undir þau starfsleyfi sem nefndin gefur út og/eða hefur eftirlit með á grundvelli laga um hollustuhætti og mengunarvarnir...“.

Þrátt fyrir þetta umfang eftirlits á vegum heilbrigðisnefnda þá muni öll þvingunarúrræði alfarið vera í höndum Umhverfisstofnunar.

Heilbrigðiseftirlit Suðurlands mótmælir harðlega þessari ráðstöfun, þ.e. að þegar heilbrigðisnefndir sveitarfélaganna eru því efnaeftirliti sem þeim ber skv. lögum um hollustuhætti og mengunarvarnir, þá sé mikilvægt að heimild til þvingunarúrræða gagnvart eftirlitsþega til að knýja á um úrbætur til dæmis við

varðveislu efna, flutning efna og bann við íblöndun efna. Ef þvingunarúrræði eru í öllum tilfellum og alfarið í höndum Umhverfisstofnunar að ákveða hvort og þá hvaða þvingunarúrræðum er beitt, telur Heilbrigðiseftirlit Suðurlands að slíkt fyrirkomulag sé í mörgum tilfellum bæði óskilvirkt, tímafrekt og óhagkvæmt, þar sem mörg mál eru þess eðlis að þau sé hægt að leysa á skjótan hátt án milligöngu þriðja aðila.

F.h. Heilbrigðiseftirlits Suðurlands,



Sigrún Guðmundsdóttir
framkvæmdastjóri

Afrit:

postur@uar.is

sigurbjorg.saemundsdottir@uar.is